


起世因本經

第二

二百八
映二

49555



起世因本經卷第二

隋三藏法師達摩笈多譯

映

鬱單越洲品下之餘

諸比丘鬱單越人髮紺青色長齊八指人皆
一類一形一色無別形色可知其異諸比丘
鬱單越人悉有衣服無有裸形及半露者親

踈平等無所適莫齒皆齊密不缺不踈美妙
淨潔色白如珂鮮明可愛諸比丘鬱單越人
若有飢渴須飲食時便自收取不耕不種自
然杭米清淨鮮白無有糠糲取已盛置敷持
菓中復取火珠置敷持下衆生福力火珠應
時忽然出焰飲食熟已焰還自滅彼人得飯



欲食之時施設器物就座而坐。尔時若有四方人來欲共同食，即為諸人具設飯食。飯終不盡，乃至食人坐食未竟，所設之飯器常盈滿。彼人食此，無有糠糲自然粃米成熟。飯時清淨香美，眾味備具，不須羹臠。其飯形色猶若諸天、蘓陀之味。又如華叢潔白鮮明。彼人食已，身分充盈，無減無缺。湛然不改，無老無變。是食乃至資益彼人，色力安辯，無不具足。諸比丘鬱單越人，若於女人，生染著時，隨心所愛，迴目觀視彼女。知情即來隨逐。其人將行，至於樹下，所將之女若是此人，母姨姊妹親戚類者，樹枝如本，不為下垂。其葉應時萎

黃枯落不相覆苦不出華菓亦不爲出牀敷
卧具若非母姨姊妹等者樹即低枝垂條覆
蔭柯葉鬱茂華菓鮮榮亦爲彼人出百千種
牀敷卧具便共相將入於樹下隨意所爲歡
娛受樂

諸比丘鬱單越人住於母胎維經七日至第

八日即便產生其母產訖隨所生子若男若
女皆將置於四衢道中捨之而去於彼道上
東西南北行人往來見此男女心生憐念爲
養育故各以手指內其口中於彼指端自然
流出上妙甘乳飲彼男女令得全活如是飲
乳經於七日彼諸男女還自成就一色類身

與彼舊人形量無異男還逐男女還逐女各
依伴侶相隨而去

諸比丘鬱單越人壽命一定無有中夭命若
終時皆得上生何因緣故鬱單越人得此定
壽命終已後皆復上生諸比丘世或有人專
事殺生偷盜邪淫妄言兩舌惡口綺語貪瞋
邪見以是因緣身壞命終墜墮惡道生地獄
中或復有人不曾殺生不盜他物不行邪淫
不妄言不兩舌不惡口不綺語不貪不瞋亦
不邪見以是因緣身壞命終趣向善道生人
天中何因緣故向下生者以其殺生邪見等
故何因緣故向上生者以不殺生正見等故

或復有人作如是念我於今者應行十善以
是因緣我身壞時當得往生鬱單越中彼處
生已任壽千年不增不減彼人既作如是願
已行十善業身壞得生鬱單越中即於彼處
復得定壽滿足千年不增不減諸比丘以此
因緣鬱單越人得定壽命

諸比丘何因緣故皆得上生諸比丘閻浮洲
人以此於他邊受十善業是故命終即得往生
鬱單越界鬱單越人以其舊有具十善業鬱
單越中如法行故身壞命終皆當上生諸天
善處諸比丘以此因緣鬱單越人上生勝處
諸比丘鬱單越人命行終盡捨壽之時無有

一人憂戀悲哭惟共昇置四衢道中捨之而去
諸比丘鬱單越中有如是法若有衆生壽命
盡時即有一鳥名憂承伽摩隋言高逝從大山中
疾飛而至銜死人髮將其屍骸擲置餘方洲
渚之上何以故鬱單越人業行清淨樂淨潔
故樂意喜故不令風吹臭穢之氣來至其所
諸比丘鬱單越人大小便利將下之時為彼
人故地即開裂便利畢已地合如故何以故
鬱單越人樂淨潔故樂意喜故

復次彼處有何因緣而得說名鬱單越洲諸
比丘彼鬱單越洲於四天下中比餘三洲最
上最妙最高最勝故說彼洲為鬱單越也

越正音鬱怛羅究溜隋言
高上作謂高上於餘方也

起世經轉輪王品第三

諸比丘閻浮洲內轉輪聖王出現世時此閻
浮洲自然具有七種瑞寶轉輪王身復有四
種神通德力何者七寶一金輪寶二白魚寶
三紺馬寶四神珠寶五玉女寶六主藏臣寶
七兵將寶是為七寶諸比丘云何名為轉輪
聖王輪寶具足諸比丘轉輪聖王出閻浮洲
以水灌頂作刹利主於十五日盛圓滿受
齋之晨洗沐清淨不擣白氎以為衣服解髮
垂下飾以摩尼及諸瓔珞在樓閣上親屬群
臣前後圍遶是時王前有金輪寶忽然來應

輪徑七肘千輻轂輞衆相滿足自然成就非
工匠造

余時灌頂刹刹轉輪聖王即作是念我昔曾
聞有如是說若灌頂刹刹王於十五日月盛
圓滿受齋之晨洗沐清淨身著不擣白氎之
衣服諸瓔珞在樓閣上親屬羣臣前後圍遶

是時王前忽然而有天金輪寶千輻轂輞衆
相滿足自然來應非工匠成輪徑七肘內外
金色得是瑞時彼則成就轉輪王德我今得
此亦應定是轉輪聖王

余時灌頂刹刹轉輪聖王意欲試彼天輪寶
故勅令嚴備四種力兵所謂馬兵馬兵車兵

步兵四種力兵既嚴備已王即往詣天金輪
所偏露右髀在金輪前右膝著地申其右手
捫摸輪寶作如是言汝天輪寶我身定是轉
輪王者未降伏處爲我降伏彼天輪寶應聲
即轉爲欲降伏未伏者故諸比丘是時灌頂
刹利王既見輪寶如是轉已即命嚴駕行向
東方於是輪寶及四種兵一時皆從諸比丘
於輪寶前復有四大天身引導而行彼天輪
寶所到諸方任止之處轉輪聖王及四種兵
悉於彼處停住止宿
尔時東方一切國土所有諸王各取金器盛
滿銀粟又取銀器盛滿金粟既辦具已皆共

持誚轉輪王前啓言大王善來善來今止奉
獻是天王物東方人民豐樂安隱無所怖畏
民戶殷多甚可愛樂惟願大天垂哀納受憐
愍臣等細小諸王臣等今日承奉天王一心
無二

尔時輪王告諸王曰汝等誠心能如是者汝
當各各於自境界如法治化攝養群生莫令
國內有不如法所以者何汝等若有令我國
內非法惡事顯現流行我當治汝罪無所捨
今教汝等自斷殺生教人不殺不與勿取邪
婬妄語乃至邪見皆不應爲汝等若能斷於
殺生教人不殺不與勿取不行邪婬實語正

見者我即信知汝等諸王合國降伏

尔時東方諸國王等聞轉輪王如是誠勅一時皆受十善業行受已遵承各於國土如法治化轉輪聖王自在力故所向之處輪寶隨行如是聖王天金輪寶降伏東方一切國已盡東海岸周徧遊行然後迴旋次第巡歷南方西方乃至北方依於古昔轉輪聖王所行之道引導而去轉輪聖王及四種兵次第行時其前復有四大天身先輪寶行若此輪寶所住之處隨其方面轉輪聖王及四種兵即皆停宿

尔時北方一切國土所有諸王亦各賣持天

眞金器盛滿銀粟天眞銀器盛滿金粟俱共
來詣轉輪王所到已長跪作如是言善哉天
來善哉天來我等北方蒙天王力人民熾盛
豐樂安隱無諸怖畏甚可愛樂願天留此施
行治化臣等隨順無敢二心時轉輪王勅諸
王言若能尔者汝等各於自境治化一依教
命莫令國界有不如法所以者何若令我境
有非法人及諸惡行我當治汝又復汝等莫
自殺生教人莫殺不與勿取邪婬妄語乃至
邪見汝等皆斷若離殺生乃至自他修行正
見能如是者我當信知汝等國土已善降伏
尔時諸王同聲共啓轉輪王言如天誠勅臣

等奉行

尔時北方諸國王等聞轉輪王如是誡勅各
各遵受十善業行受已奉持皆令如法各於
國土依律治化轉輪聖王自在力故所行之
處輪寶隨逐此金輪寶如是次第降伏北方
盡北方海際所有諸國既周遍已還來本處尔
時輪寶乃於閻浮提中選擇最上威德形勝
極妙之地當於其上東西經度闊七由旬南
北規畫十二由旬如是規度為界分已尔時
諸天即於其夜從空來下為轉輪王造立宮
殿應時成就既成就已妙色端嚴四寶莊校
所謂天金天銀頗梨琉璃此金輪寶為聖王

故當宮內門於上空中凝然停住如輪在軸
不搖不動轉輪聖王當於是時生大歡喜踊
躍無量作如是念我今已得金輪寶耶諸比
丘轉輪聖王有如是等天金輪寶自然具足
諸比丘轉輪聖王復有何等白色象寶應當
具足

諸比丘是轉輪王於日初分坐正殿時即當

王前出生象寶名烏逋沙他

隋言
潔齊

形體勝妙

其色純白如拘物頭華七枝拄地有大神力
騰空而行頭色紅赤如因陀羅瞿波迦垂具
有六牙並皆纖利一一牙上具足莊嚴雜色
廁填猶如金粟轉輪聖王見象寶已作如是

念白象雖現未知調時堪受諸事成賢乘不
尔時象寶一日之間即善調伏一切事中悉
堪駕馭猶如餘象無量千歲極調伏已端嚴
賢善適意隨順如是如是此白象寶於一日
中暫受調伏堪任衆事亦復如是時轉輪王
為試象故於其晨朝日初出時乘此象寶周
迴巡歷徧諸海岸盡大地際既周徧已是轉
輪王還至本宮乃進小食以是因緣彼王尔
時內心自慶歡喜踊躍為我故生如此象寶
諸比丘轉輪聖王有如是等白色象寶自然
具足
諸比丘何等名為轉輪聖王馬寶具足諸比

丘是轉輪王日初分時坐正殿上即於王前

出紺馬寶名婆羅訶隋言長毛色青體潤毛尾悅

澤頭黑髮披有神通力騰空而行時轉輪王

見馬寶已作如是念此馬雖現未知調時堪

受諸事可得為我作善乘不是時馬寶一日

之中即善調伏堪受諸事猶如餘馬無量千

歲極調熟已賢善閑習如是如是調此馬時

一日之內堪任受行一切諸事亦復如是時

轉輪王欲試馬故於其晨朝日初出時乘此

馬寶周歷大地還至本宮轉輪聖王乃始進

食以是因緣生大歡喜踊躍無量我今已得

紺馬之寶諸比丘轉輪聖王有如是等馬寶

具足

諸比丘何等名為轉輪聖王珠寶具足諸比丘轉輪聖王有摩尼寶毗瑠璃色具足八楞非工匠造端嚴特妙自然流出清淨光明時轉輪王見珠寶已作如是念此摩尼寶衆相滿足我今應當懸置宮內今現光明時轉輪王爲欲試此摩尼寶故嚴備四兵所謂象兵馬兵車兵步兵具四兵已即於夜半天降微雨重雲黑闇電光出時轉輪聖王取此珠寶懸置幢上出遊苑中何以故意欲遊觀驗珠德故諸比丘此摩尼寶在高幢上普照四方及四種兵悉皆明了光明周徧如日照世亦

時彼地所有一切婆羅門居士等皆謂天明
日光已出並即驚起作諸事業以是因緣轉
輪聖王受大歡喜踊躍無量念言此寶為我
出生諸比丘轉輪聖王有如是等珠寶具足
諸比丘何等名為轉輪聖王女寶具足諸比
丘轉輪王世出生女寶不麁不細不長不短

不白不黑最勝最妙進止姝妍色貌具足令
人見之樂觀無厭又此女寶熱時身涼寒時
身暖於其體上出妙香氣猶若栴檀口中恒
出優鉢羅香為輪王故晚卧早起勤謹恭敬
凡有所作無失王心此女意中尚無惡念況
其身口而有過失以是因緣轉輪聖王受大

歡喜踊躍無量心自念言此已爲我生女寶
耶諸比丘轉輪聖王有如是等女寶具足
諸比丘何等名爲轉輪聖王主藏臣寶威力
具足諸比丘轉輪王出世生主藏臣寶大富饒
財多有功德報得天眼洞見地中有主無主
一切伏藏皆爲其眼之所鑒識若水若陸若
遠若近於中所有珍竒寶物此主藏臣皆爲
作護如法守視不令毀失無主之物應時收
取擬爲輪王資須受用尔時藏臣即自往詣
轉輪王所到已啓言大聖天王若天所須資
財寶物惟願勿憂臣力能辨天所用者皆令
具足時轉輪王爲欲驗試主藏臣寶乘船入

水中流而任勅截臣曰汝截臣來我須財寶
宜速備具宜速備具截臣啓言惟願大天假
臣須臾待船至岸當於水側收取財寶以供
天用王告截臣我今不須岸上財物但當於
此爲我辦之截臣啓言謹奉天勅不敢有違
介時截臣受王勅已偏袒右臂右膝著船手
撓大水拍如蟹螯撮聚金銀滿諸器內即於
船上持用奉獻啓言大王此諸金銀皆是天
寶天以此物供給於王以爲財用時轉輪王
告截臣言我不須財但試汝耳時王截臣聞
王語已還收金銀置於水內以是因緣轉輪
聖王受大歡喜踊躍無量心自念言我今已

得藏臣寶耶諸比丘轉輪聖王有如是等藏
臣具足

諸比丘何等名為轉輪聖王主兵臣寶威力
具足

諸比丘由轉輪王福德力故自然出生兵將
之寶巧智多能善諸謀策洞識軍機神慧成
就轉輪聖王所須兵力悉能備具欲走即走
欲行即行欲散即散欲集即集亦時兵將便
自往詣轉輪王所到已啓言王若須兵教習
駟役惟願勿慮臣當為王教習兵馬皆令如
心調柔隨順時轉輪王為欲試此主兵寶故
便勅所司嚴備四兵所謂為兵馬兵車兵步

兵王知四兵悉嚴備已告將寶言汝兵將來
當善爲我惣領四兵教今隨順善走善行善
集善散如法勿違時兵將寶聞轉輪王如是
勅已啓言大王謹奉天勅臣不敢違便惣四
兵莊嚴器仗教走教行教集教散如王所勅
欲走即走欲行即行欲集即集欲散即散隨
意自在以是因緣轉輪聖王生大歡喜踊躍
無量心自念言我今已得主兵將寶諸比丘
轉輪聖王有如是等主兵將寶威力具足
諸比丘若有如是七寶現者然後得名轉輪
聖王
諸比丘何等名爲轉輪聖王四種自在神通

具足

諸比丘轉輪聖王壽命長遠久住在世於一切時一切世間無有人類能得如是安隱久住與轉輪王壽命等者是則名為轉輪聖王第一壽命神通具足

復次諸比丘轉輪聖王所受身體少病少惱

衆相具足其腹平滿不小不大寒熱冷暖隨時調適進止輕便食飲消化安隱快樂於一切時一切世間無有餘人世間受生少病少惱能如是者是則名為轉輪聖王第二身力神通具足

復次諸比丘轉輪聖王報生形貌端正殊特

常為世間樂觀無厭色身清淨具足莊嚴最
勝最妙無有倫匹於一切時一切世間人中
受生無有如是端正殊特為諸世間樂觀無
厭如轉輪王形相備者是則名為轉輪聖王
第三色貌神通具足

復次諸比丘轉輪聖王業力因緣有大福報
世間種種資產豐饒珍奇眾寶無不具足於
一切時一切世間人中受生無有如是富樂
自在資財服玩眾妙寶物充溢府庫比輪王
者是則名為轉輪聖王第四果報神通具足
諸比丘若具如是四種神通無缺減者然後
得名轉輪聖王

諸比丘又此福德轉輪聖王爲諸人民之所
愛敬心常喜樂如子愛父又諸人民亦得輪
王之所憐念意恒慈育如父愛子

諸比丘轉輪聖王或於一時乘大寶車出宮
遊觀歷諸勝地爰及林苑當於是時一切人
民悉得面見轉輪聖王皆大歡喜咸共同聲
告馭者曰汝善馭者惟願持轡從容徐行勿
令速疾所以者何汝若持車徐徐緩進則令
我等多時得見轉輪聖王今時輪王聞此語
已亦復如是勅馭者言汝善馭者徐徐緩步
慎勿速疾所以者何汝若持車安詳漸進則
亦令我多時遊歷周徧觀視一切人民諸比

丘時諸民衆見輪王已各各自持所有寶物
車前胡跪奉獻輪王啓言大王民等今者以
此奉天此物屬天願天受取隨意所用何以
故如此寶物惟應天用故

諸比丘轉輪聖王出現世時此閻浮洲清淨
平正無有荆棘及諸稠林丘墟坑坎厠溷雜
穢臭處不淨礪石瓦礫沙鹵等物悉皆無有
金銀七寶自然具足不寒不熱節候均調諸
比丘又轉輪王出現世時此閻浮洲自然安
置八万城邑皆悉快樂無諸怖畏人民熾盛
穀食豐饒聚落殷多甚可愛樂諸比丘又轉
輪王出現世時此閻浮洲王所治處聚落城

邑比屋連村雞飛相到人民安樂不可思議
諸比丘又轉輪王出現世時此閻浮洲常於
夜半從阿那婆達多池中興大雲氣徧閻浮
洲及諸山海應時雨注亦徧閻浮如犂牛乳
間雨深四指其水甘美具八功德下處即沒
更不傍流浸潤地中水滂不現至夜後分雲
霧消除有清涼風從大海出吹其潤澤流散
閻浮人民觸之皆受安樂又彼甘澤潤漬此
洲著使肥良鮮明光膩譬如世間善作鬘師
鬘師弟子造鬘旣成以水灑散令其悅澤花
色光鮮此亦如是又轉輪王出現世時此閻
浮洲一切土地自然沃壤鬱茂滋液譬如

人以酥油塗物其地肥美膏腴津潤亦復如是
諸比丘轉輪聖王既出現已住世久遠經無
量年於此時間亦復雜受人中苦觸譬如細
粟丈夫其體柔弱食美食已運動施爲受少
疲觸乃得消化如是如是彼轉輪王處世久
遠於生死中受少苦觸亦復如是諸比丘轉
輪聖王壽命終時捨此身已必生天上與三
十三天同處共生諸比丘轉輪聖王當命終
時爲供養輪王故於虛空中自然普雨優鉢
羅華鉢頭摩華拘物頭華分陀利華等種種
香華亦雨天沉水末多伽羅末栴檀香末及
天曼陀羅等種種諸華復有天樂其音微妙

不鼓自鳴亦有諸天歌讚之聲在虛空中為
供養此轉輪王身作福利故。

諸比丘爾時女寶主藏臣寶主兵將寶等則
以種種淨妙香湯洗輪王身香汁洗已先用
劫波娑氎觀身裹之然後乃以不擣氎衣於
上重裹次復更以殊妙細氎足五百段就二
氎上次第纏之裹纏畢已又取金棺滿盛酥
油持輪王身置之棺內又以銀槲盛此金棺
內銀槲已從上下釘令其牢固又復集聚一
切香木積成大積然後闔毗轉輪王身既闔
毗已收其灰骨於四衢道中為轉輪王作蘓
偷婆

隋言大聚舊云
塔者訛略也

高一由旬闊半由旬雜

色莊校四寶所成所謂金銀琉璃頗黎其蘓
偷婆四院周圍五十由旬七重垣牆七重欄
楯略說如上乃至衆鳥各各自鳴時彼女寶
及主藏主兵寶等爲轉輪王作蘓偷婆旣成
就已然後施設上妙供具諸來求者種種供
給所謂須食與食須飲與飲須乘與乘須衣
與衣須財與財須寶與寶盡給施之悉令滿足
諸比丘轉輪聖王命歿已後始經七日輪寶
象寶馬寶珠寶寶皆即自然隱沒不現女寶主
藏主兵將等悉亦命歿四種寶城稍稍改變
還爲磚土所有人民亦皆隨時漸次減少諸
比丘一切諸行有爲無常如是遷改無有常

住破壞離散不得自在是磨滅法暫須臾間
非久停住諸比丘應當捨於有爲諸行應當
遠離應當馱惡應當速求解脫之道

起世經地獄品第四之一

諸比丘於四大洲八万小洲諸餘大山及須

弥山王之外別有一山名斫迦羅

前代舊譯
云鐵圍山

高六百八十万由旬縱廣亦六百八十万由
旬弥密牢固金剛所成難可破壞諸比丘此
鐵圍外復有一重大鐵圍山高廣正等如前
由旬兩山之間極大黑闇無有光明日月有
如是大威神大力大德不能照彼令見光明
諸比丘於兩山間有八大地獄何等爲八所

謂活大地獄黑大地獄合大地獄叫喚大地
獄大叫喚大地獄熱惱大地獄大熱惱大地
獄阿毗至大地獄

諸比丘此八大地獄各各復有十六小地獄
周而圍遶而為眷屬是十六獄悉皆縱廣五
百由旬何等十六所謂黑雲沙地獄糞屎泥
地獄五叉地獄飢餓地獄焦渴地獄膿血地
獄一銅釜地獄多銅釜地獄鐵磴地獄函量
地獄雞地獄灰河地獄斫截地獄劒葉地獄
狐狼地獄寒冰地獄

諸比丘何因緣故名活大地獄諸比丘此活
大地獄所有衆生生者有者出者住者手指

自然皆有鐵爪長而纖利悉若鋒鋸彼諸衆
生既相見已心意濁亂心濁亂故各以鐵爪
自毘其身令皆破裂或自擘身擘手已復擘手乃
至大擘裂已復裂乃至大裂割已復割乃至
大割

諸比丘彼諸衆生自割裂已作如是知我今
已傷我今已死以業報故即於是時復有冷
風來吹其身須臾復生肌體皮肉筋骨血體
生已還活既得活已業力因緣復起東西更
相謂言汝諸衆生願欲得活活已勝耶
諸比丘當知此中少分說故名爲活耳然於
其中更有別業受極重苦痛惱逼迫楚毒難

堪乃至先世或於人身或非人身所起所造
惡不善業未盡未滅未除未轉未少分現未
全分現於其中間命報未盡求死不得

復次諸比丘活大地獄所有衆生生者有者
乃至住者手指復生純鐵刀子半鐵刀子極
長纖利各各相看心意濁亂既濁亂已乃至
各各甌裂擘割破截而死冷風來吹須臾還
活

諸比丘如是如是少分說故名爲活耳諸比
丘復有別業而於其中極受苦惱苦未畢故
求死不得乃至往昔或於人身或非人身所
作所造惡不善業未盡未滅未除未離如是

一切次第具受

復次諸比丘活大地獄所有衆生於無量時
苦報盡已從此獄出東西馳走更求餘處屋
舍室宅求救護處求歸依處如是求時以罪
業故即自往入黑雲沙小地獄中其獄縱廣
五百由旬既入獄已上虛空中起大黑雲雨
諸飛沙其焰熾然極大猛熱墮於地獄衆生
身上至皮燒皮至肉燒肉至筋燒筋至骨燒
骨至髓燒髓出大烟焰洞徹熾然受極苦惱
以其苦報未畢盡故求死不得乃至往昔人
非人身所作所造惡不善業不滅不除不轉
不變不離不失次第而受經無量時

諸比丘彼諸衆生如是受苦經無量時已從
黑雲沙地獄出更復馳走求屋求宅求救求
覆求歸依處如是求時又復自入熱糞屎泥
小地獄中其獄亦廣五百由旬罪人入已自
咽已下在糞泥中其糞熱沸烟焰俱出燒彼
罪人手足耳鼻頭目身體一時焦然乃至往
昔若人非人所起所造惡不善業未盡未滅
未除未轉不離不失次第而受

復次諸比丘於糞屎小地獄中有諸鐵錘名
爲針口在糞泥中鑽諸衆生一切身分悉令
穿破先鑽其皮旣破皮已次鑽其肉旣破肉
已次鑽其筋旣破筋已次鑽其骨旣破骨已

住於髓中食諸衆生一切精髓令其徧身受
嚴劇苦然彼壽命亦未終畢乃至是人惡不
善業未滅未盡如是次第具足受之

諸比丘彼地獄中諸衆生等於無量時受苦
痛已從糞屎泥小地獄出又復奔走求室求
宅求護求洲求歸依處奈時即入五義小地
獄中其獄亦廣五百由旬彼諸罪人入此獄
已時守獄卒執取罪人高舉撲之置於熾然
熱鐵地上烟焰洞起罪人在中悶絕仰卧獄
卒乃以兩熱鐵釘釘其二脚熱焰熾然又以
二釘釘其兩手焰亦熾然於齋輪中下一鐵
釘焰轉猛熾獄卒於是復以五義磔其五體

極受苦毒乃至彼處壽命未終惡業未盡往
昔所造人非人身一切惡業於此獄中次第
而受

諸比丘彼諸衆生受此苦痛經無量時從於
五義小地獄出還復馳走求救求室求洲求
依求覆求護即更來詣飢餓地獄其獄亦廣
五百由旬罪人入已時守獄卒遙見彼人從
外而來即前問言汝等今者來至此中有何
所欲彼諸衆生皆共荅言仁者我等飢餓時
守獄卒即執罪人撲置熾然熱鐵地上尔時
罪人悶絕仰卧便以鐵鉗坼開其口取熱鐵
丸擲置口中彼人脣口應時燒然旣燒脣已

即燒其舌既燒舌已即燒其腭既燒腭已即
燒其咽既燒咽已即燒其心既燒心已即燒
其膏既燒膏已即燒其腸既燒腸已即燒其
胃既燒胃已經過小腸從下部出其丸猛熱
尚赤如初彼諸衆生當於是時極受苦毒命
亦未終略說乃至若人非人先世所作如是
次第此地獄中種種具受

諸比丘彼諸衆生於無量時受是苦已從此
飢餓小地獄出復更馳走略說如前求守護
處然後來詣焦渴地獄其獄亦廣五百由旬
入此獄已時守獄卒遙見彼人從外而來即
前問言汝等今者何所求須罪人荅言仁者

我今甚渴守獄卒即捉罪人撲置熾然熱鐵地上在猛焰中仰卧悶絕便取鐵鉗磔開其口鎔赤銅汁灌其口中彼諸衆生脣口應時悉皆焦爛脣口爛已次燒其舌如是燒腭燒喉燒心燒育燒腸燒胃直過小腸從下部出彼諸衆生各於是時受極重苦受極重痛其苦特異難可思議然後壽命未終未盡略說如前乃至若人非人所造惡業未滅未離如是次第具足受之

起世因本經卷第二

映

裸形

上胡瓦反又體

適莫

上音

珂

苦何

曩曠

上音

更下呼
各反
呼
湛
然
滅
上
宅
覆
苦
上
廉
音
富
下
中
天
小
下
反

昇
余音
洲
渚
下
音
究
溜
救
下
力
白
疊
下
音
輪
徑
古
下
反

定
反
肘
反
知
柳
輻
福
音
穀
輶
朝
下
音
同
骨
博
音
捫
摸
上
門
下
音

忙
反
胡
規
晝
下
上
音
決
彌
反
疑
然
上
力
反
魚
逋
沙
上
蒲
反
必
駕

馬
御
下
音
整
字
暫
駿
反
子
紅
八
楞
下
郎
反
姝
妍
上
尺
下
朱
謀

牽
反
手
撓
又
下
呼
奴
巧
反
蟹
蟄
下
上
吾
高
反
撮
反
七
活
謀

策
下
責
楚
反
匹
疋
下
上
俗
正
服
玩
下
貫
反
愚
溢
反
夷
一
轡
音
丘

墟
魚
下
起
反
廁
溷
困
下
反
胡
沙
鹵
曾
下
音
比
屋
上
皮
必
音
反
毗
又

水
澇
到
下
郎
反
潤
漬
智
下
反
在
沃
壤
下
上
烏
毒
兩
反
滋
液
音
下

亦
膏
腴
二
字
音
觀
初
近
反
檉
榔
郭
音
積
反
子
反
智
閣
毗
音
下

此
六
偷
婆
此
去
垣
墻
上
音
一
音
園
磴
反
吾
對
狐
狼
上
音

音
胡
郎
下
爪
之
巧
鋒
鏗
下
上
音
亡
峯
國
瓜
正
俱
縛
攬
壁
反
補
麥

肌體

飢上音

筋骨

斤上音

逼迫

下上音彼力

反

全全

同

咽咽

音上下

並

子官

劇反奇

逆

撲反蒲角

齋音

磔

反竹隔

鉗反巨

兼

圻開反上

反丑

腭齧反吾

各反

胃傷音

謂

鎔容音

起世因本經第二卷

映

